

მუნიციპალიტეტის საინფორმაციო გაზეთი №14(28) 2012 წ. 16-31 ივლისი ფასი 50 თეთრი

სოფია ჩვენი მუნიციპალიტეტის სოფლებსა და უბნებს

აღდგენითი სამუშაოები დაიწყო

ბოლო ხანს დედამიწაზე გახშირებული კატაკლიზმები უკვე აღარავის აკვირვებს, მაგრამ, რაც 18 ივლისს კახეთს თავს დაატყდა, მართლაც, რომ განსაცვიფრებელია. სად კატაკლიზმები და სად სტიქიაო? – იკითხავს მკვანი, მაგრამ რა შეიძლება ეწოდოს ბუნების იმ მოვლენას, როცა შუა ზაფხულში, ატმობასა და ყურძენში თვალის შესვლისას 20–30 სანტიმეტრის სისქის სეტყვა-ყინული დაეფინება დედამიწას, როცა ხეხილის ბაღიც და ვენახიც ნავენახარსა და ნაბაღარს დაემსგავსება და ნოემბერ-დეკემბერი დაგიდგება პაპანაქება სიცხის მაგივრად? უნებურად გაგახსენდება ისტორიის წიგნიდან ამოკითხული მურვან-ყრუს, შაჰ-აბასის, თემურ ლენგის თავზე ხელაღებული ბრბოს მიერ გავერანებული კახეთის აღწერილობა. ჯვარი გვწერია...

დღეს კახეთი საქართველოს მთავრობისა და ხელისუფლების თანადგომითა და დახმარებით ნელ-ნელა იშუშებს სტიქიისგან მიყენებულ ჭრილობებს – არაეინ დარჩეს თავშესაფარისა და საკუთარი ჭერის გარეშე. ყველა სახლს



ბოგბორი

გაჩაღებული ქუჩებისა და უბნების ნაგვისაგან, სამშენებლო ნარჩენებისგან გასაწმენდად.

სტიქიამ ჩვენი მუნიციპალიტეტის მთიანი ზონის სოფლებსაც გადაუარა და ისეც ყვა, წყალდიდობითა და ქარიშხლისაგან დაზიანდა კოჭბანისა და გომბორის თემების სოფლები. მოიშალა ინფრასტრუქტურა – წყალდიდობისა და ქარიშხლისაგან მწყობრიდან გამოვიდა მაღალი ძაბვის ელექტროგადამცემი ხაზები, საყრდენი ბოძები, მოიშალა სასმელი წყლის სათავე-ნაგებობები და სასმელი წყლის ქსელი, მოვარდნილმა წყალმა მოგლიჯა დიდი ხეები, წაღეკა ნათესები, დააზიანა საცხოვრებელი სახლების შენობები. საგარეჯოს მუნიციპალიტეტის ხელმძღვანელობის მიერ შედგენილი სპეციალური კომისიის მიერ ხდება სოფლებისათვის მიყენებული ზარალის დადგენა. აქ უკვე მიმდინარეობს ელექტროგადამცემი ხაზებისა და საყრდენი ბოძების აღდგენითი სამუშაოები.

დევან ნაკულაშვილის ფოტოები



ბოგბორი

გაუკეთდა სახურავი, აღდგენილ იქნა დანგრეული კედლები, მოსახლეობას დაურიგდა კვების პროდუქტები, შხამქიმიკატები, ვენახის მოსავლელი წამლები. მოსახლეობას უკვე მიეწოდება სასმელი წყალი, ელექტროენერჯია, მაღე აღდგება ბუნებრივი აირის მიწოდება. დღედაღამ მორიგეობენ კახეთში ხელისუფლებისა და მთავრობის წარმომადგენლები, სადღეღამისო მუშაობა



კოჭბანი



კოჭბანი

მუნიციპალური გვერდი საგარეჯოს მუნიციპალიტეტის საკრებულოს სხდომაზე



27 ივლისის საგარეჯოს მუნიციპალიტეტის საკრებულოს სხდომას ამავე მუნიციპალიტეტის საკრებულოს თავმჯდომარე **ილია ჰიაშორელი** უძღვევოდა.

დღის წესრიგის I საკითხზე „საგარეჯოს მუნიციპალიტეტის 2012 წლის ბიუჯეტის დამტკიცების შესახებ“ საგარეჯოს მუნიციპალიტეტის საკრებულოს 2011 წლის 23 დეკემბრის № 20 დადგენილებაში ცვლილებების შეტანის თაობაზე“ მოხსენება გააკეთა ამავე მუნიციპალიტეტის გამგეობის **ბიუჯეტის დაგეგმვისა და ადგილობრივი ფინანსების მართვის სამსახურის** უფროსმა **ნინო ქურხულია**.

სხდომაზე მოხმენილ და განხილულ იქნა მოხსენება საგარეჯოს მუნიციპალიტეტის 2012 წლის იანვარ-ივნისის თვეების ბიუჯეტის შესრულების შესახებ (მომხსენებელი ქ. ნინო ქურხული).

დებუტატებმა საკრებულოს სხდომაზე განიხილეს სხვადასხვა საკითხები და განხილულ საკითხებზე მიიღეს შესაბამისი გადაწყვეტილებები.

ერცულ ანგარიშს საკრებულოს სხდომაზე განხილული საკითხების შესახებ შემოგთავაზებთ გახეთის შემდეგ ნომერში.

ღანიშვნა



თეონა ტაველიშვილი

საგარეჯოს მუნიციპალიტეტის გამგეობის ადმინისტრაციული სამსახურის უფროსი

დაიბადა 1985 წელს, ქ. საგარეჯოში.

2002 წელს დაამთავრა საგარეჯოს მეორე საშუალო სკოლა.

2002–2009 წლებში სწავლობდა ივ. ჯავახიშვილის სახელობის თბილისის სახელმწიფო უნივერსიტეტის იურიდიულ ფაკულტეტზე და ამავე სასწავლებლის საერთაშორისო სამართლის მაგისტრატურაში.

2006–2008 წლებში სტაჟირებას გადიოდა საქართველოს საგარეო საქმეთა და იუსტიციის სამინისტროებში.

2008 წელს მუშაობდა შსს პოლიციის აკადემიაში, შემდეგ საგარეჯოს მუნიციპალიტეტსა და მაჟორიტარი დეპუტატის ბიუროში იურისტად.

2009 წელს ჩააბარა ადვოკატთა საკვალიფიკაციო გამოცდები.

2011 წელს იყო საერთაშორისო მუნიციპალურ იურისტთა ასოციაციის სტაჟირი.

2011–2012 წლებში დაამთავრა აშშ ემორის უნივერსიტეტის სამართლის მაგისტრატურა.

2011–2012 წლებში სტაჟირად იმყოფებოდა ქ. დეკატურის მერიაში (ატლანტა, ჯორჯია, აშშ).

2012 წლის ივლისიდან საგარეჯოს მუნიციპალიტეტის გამგეობის ადმინისტრაციული სამსახურის უფროსია.

24 ივლისი, 2012 წელი



საგარეჯოს მუნიციპალიტეტის გამგეობის სამშაბათის ტრადიციულ თათბირს მუნიციპალიტეტის გამგეობის მოადგილეები ლაშა შიოშვილი და გიორგი ბეჟიტაშვილი, გამგეობის სამსახურების უფროსები, ტერიტორიული ერთეულის რწმუნებულები ესწრებოდნენ.

თათბირზე როგორც ვეტერინარიის, სურსათის უვნებლობის სამსახურის უფროსმა ჯ. ოსიაშვილმა განაცხადა, მიმდინარე წლის პირველი აგვისტოდან მუნიციპალიტეტის ტერიტორიაზე არსებული ყველა მსხვილფეხა რქოსანი (3 თვიდან) უფასოდ აიცრება თურქულზე. აცრა თითოეულ სოფელში ჩატარდება ორ-ორი დღის განმავლობაში, დაიწყება გომბორის თემიდან და მოიცავს ყველა სოფელს.

თათბირზე, ასევე, განსაკუთრებულად გამახვილდა ყურადღება იმ პრობლემების დასახელებაზე, რომლის გადაჭრაშიც სოფლის მოსახლეობას მუნიციპალიტეტის ხელმძღვანელობის თანადგომა სჭირდება.

საგარეჯოს მუნიციპალიტეტის გამგეობის თათბირი



50 - იუბილე ახლოვდება - 50



ქსაგარეჯო

ბილოცვა

(M) ჯახის შექმნას ვულოცავთ შესანიშნავ ახალგაზრდებს – **თეონა ტაველიშვილსა და დათო ბორაშვილს.**

დაე, ქართული ტრადიციებით გამყარებული და ჭეშმარიტად მართლმადიდებლური, ქრისტიანული მადლით ყოფილიყოს გაცისკროვნებული თქვენი ოჯახი.

სიყვარული, ურთიერთგაგება და აკვანთა სიმრავლე!

გახეთ „გარეჯოს მაცნეს“
თანაგმორთმეები

ზაფხული ჩვენს მუნიციპალიტეტში ინფრასტრუქტურა – მუნიციპალიტეტის საბაზო



მუნიციპალიტეტის



ბორჯომის



საგარეჯოს მუნიციპალიტეტის გამგეობის ინფრასტრუქტურისა და არქიტექტურის სამსახურის მთავარი სპეციალისტის ლევან ნაპულაშვილის ფოტოები

ოსაზ და ოსაზ ჩვენი ჯანმრთელობისათვის

სპეციალისტები გვიჩვენებენ

ვერილოთ სიმბირის წყულს, ანუ ჯილას



ციმბირის წყული (ჯილასი) ზოოზონური მწვავე ინფექციური დაავადებაა. ადამიანის ორგანიზმში იგი მიმდინარეობს კანის ან სეპტიური ფორმით. ცხოველებში კი მხოლოდ გენერალიზებული ფორმით. ანუ, ჯილასით დაავადებული ცხოველი აუცილებლად კვდება. საბედნიეროდ ასე არ ხდება ადამიანის შემთხვევაში.

ციმბირის წყული ცნობილი იყო უძველესი დროიდან. იგი ფართოდ იყო გავრცელებული ძველ რომში, საბერძნეთში, სპარსეთში, საფრანგეთში. იგი ყველაზე ხშირია ხმელთაშუა ზღვის რეგიონის ქვეყნებში. ამ დაავადებას "ციმბირის წყული" ს. ანდრეევსკიმ უწოდა.

დაავადების გამომწვევი ბაქტერია გარემოში იკეთებს სპორას, რის გამოც დიდხანს ძლებს. დაავადება ვითარდება ადამიანის ორგანიზმში მიკრობის მოხვედრისას. ადამიანი ავადდება ჯილასით დაავადებულ ცხოველთან უშუალო კონტაქტით, ცხოველის დაკვლით, გატყავებით, აკაფვით, აგრეთვე ტყავისა და ბეწვის დამუშავების დროს. ადამიანი შეიძლება დაავადდეს დაავადებული ცხოველის ხორცის საკვებად მიღებისას (თერმულად დამუშავებისას ციმბირის წყულის გამომწვევი სწრაფად იღუპება). ძალიან იშვიათად შეიძლება მწერის კბენითაც გადაეცეს ადამიანს ეს დაავადება. იშვიათია დანიშნული ნიადაგით განპირობებული დაავადების შემთხვევები.

დაავადება უფრო ხშირია მამაკაცებში, სეზონის მიხედვით შემთხვევათა 70 პროცენტი ზაფხულ-შემოდგომაზე მოდის. ჯილასს თამამად შეიძლება ეწოდოს პროფე-

სიული დაავადება, რადგან უფრო ხშირად ავადდებიან სოფლის მეურნეობის მუშაკები. ჯილასის კანის ფორმის დროს გამომწვევი შეიჭრება დაზიანებული კანიდან ან ლორწოვანის ზედაპირიდან. ინკუბაციური პერიოდი 2-8 დღე გრძელდება. კანზე გამომწვევის მოხვედრისას ჩნდება ზედაპირიდან წამოწეული წითელი ლაქა, რომელიც რამდენიმე საათში ბუშტუკად იქცევა. ბუშტუკი იზრდება და 1-2 დღეში მის ცენტრში შავი ქერქი წარმოიქმნება. ქავილის დროს ან თავისთავად ბუშტუკი სკდება და წყლულად იქცევა. წყლული თანდათან დიდდება. წყლულის განვითარებას თან სდევს 38-39 გრადუსი ტემპერატურა. მესუთემეექსე დღიდან სიცხე ეცემა და ავადმყოფის საერთო მდგომარეობა უმჯობესდება. ციმბირის წყულის კარბონული უმტკივნეულოა, რითაც იგი გასხვავდება სტაფილოკოკური კარბონულიდან. აღნიშნულის გამო ხალხმა დაავადებას "ბედნიერი" უწოდა. ციმბირის წყულის კანის ფორმა 80 პროცენტში მიმდინარეობს მსუბუქად და საშუალო სიმძიმით. თვალბუდის არეში არსებულმა წყულმა შეიძლება მხედველობის დაკარგვა გამოიწვიოს.

ციმბირის წყულის ფილტვის და ინტესტინური (ნაწლავის) ფორმა ხშირად სეპტიურად მიმდინარეობს. უფრო ხშირად ვითარდება ინფექციურ-ტოქსიკური შოკი. ავადმყოფები იღუპებიან დაავადების 1-4 დღეში.

ჯილასის დიაგნოსტიკა დამყარებულია ეპიდემიოლოგიურ, კლინიკურ და ლაბორატორიულ მონაცემებზე. ჯილასის მკურნალობა კომპლექსურია: გამოიყენება პეტეროგენური გლობულინი, ანტიბიოტიკები და სიმპტომური საშუალებები. ლოკალური ფორმის შემთხვევაში პროგნოზი კეთილსაიმედოა. გენერალიზებული ფორმისას გამოჯანმრთელება იშვიათია.

როგორც ზემოთ აღვნიშნეთ, ციმბირის წყული ზოოზონური დაავადებაა, ანუ ადამიანის დაავადება გადაეცემა დაავადებული ცხოველიდან. დაავადებული ადამიანიდან ადამიანს დაავადება არ გადაეცემა.

ამიტომ პროფილაქტიკური ღონისძიებების სიმძიმის ცენტრი გადახრილია ვეტერინარულ-სანიტარული ღონისძიებებისაკენ. უნდა დროულად მოხდეს დაავადებული ცხოველების გამოვლენა (ცხოველი აუცილებლად კვდება 2-3 დღეში). დაცემული ცხოველები იმარხება სპეციალური წესების დაცვით, ტარდება ტერიტორიის დეზინფექცია. დაავადებული ცხოველის კერაში ხდება დანარჩენი

ცხოველების ვაქცინაცია, ანუ თამამად შეიძლება ითქვას: არა გვაქვს დაავადება ცხოველებში, არ გვეყოლება დაავადებული ადამიანი. ძალიან იშვიათად ადამიანი შეიძლება დაავადდეს უშუალოდ ნიადაგთან კონტაქტისას.

უნდა აღინიშნოს, რომ 2011-2012 წლებში საგარეჯოს რაიონში მოიმატა ციმბირის წყული დაავადებულთა შემთხვევებმა, რაც გამოწვეულია იმით, რომ მოსახლე-

ობის საკმაოდ დიდი ნაწილი მეცხოველეობით არის დაკავებული. 2010 წელს იყო სამი შემთხვევა, 2011 წელს-8, ხოლო 2011 წლის ექვსი თვის მონაცემებით-8 შემთხვევა. ყველა შემთხვევაში დადგენილი იქნა ინფექციის წყარო და სურსათის უვნებელოების სამსახურის მიერ საკმაოდ ოპერატიულად იქნა შესაბამისი ღონისძიებები გატარებული- 8 შემთხვევიდან 7 შემთხვევა იყო კანის ფორმით მიმდინარე, ხოლო 1 შემთხვევა თვალბუდის ფორმით.

ლელა (ოთარაშვილი), საგარეჯოს მუნიციპალიტეტის საზოგადოებრივი ჯანდაცვის ცენტრის დირექტორი.

ზაფხულის სამომხმარებლო კალათა რა ღირს საბაქოში სოფლის მეურნეობის პროდუქტი?

- ხორცი
- ძროხა-12 ლარი
- ღორი-12 ლარი
- ცხვარი-12 ლარი
- ქათამი-6 ლარი
- ყველი-6-დან ზევით
- სულგუნი-10 ლარი
- ბოსტნეული
- კიტრი-0,60 და ზევით
- პომიდორი-0,80; 1,20 ლარი
- ბადრიჯანი-0,70; 1 ლარი
- კარტოფილი-0,50; 0,80
- სტაფილო-2 ლარი
- კომბოსტო-1 ლარი
- წიწკა სამწინდელ-0,50;

- ბულგარული- 0,70
- წითელი- 2 ლარი
- ხახვი-0,70; 0,80 ლარი
- პარკოსანი:
- ლობიო მწვანე-1 ლარი
- ბადრეული:
- საზამთრო-0,35 ლარი
- ნესვი - 0,40 ლარი
- ხილი:
- ატამი-0,40; 0,80 ლარი
- მსხალი - 0,80-1 ლარი
- ქლიავი - 0,50 ლარი
- ვაშლი -0,80 - 1 ლარი
- ვაშლატამა - 2 ლარი



როგორია ჩვენი დამოკიდებულება წყლის მიმართ?!

გაუფრთხილდით სასველ წყალს



რუნველყოფის წყლის დაცვა, არ დაუშვას მისი დაზიანება და დანაგვიანება.

ჩვენი რაიონი მდიდარია სასმელი წყლის რესურსებით, ამის დასტურია ის, რომ საგარეჯოს რაიონის ტერიტორიაზე 46 სასმელი წყლის სათავე-ნაგებობა და უამრავი კერძო ჭაბურღილი და წყაროა.

საგარეჯოს მუნიციპალიტეტის სასმელი წყლის რეგულირებისა და ლაბორატორიული კვლევის ცენტრის ლაბორატორია ინტენსიურად ახდენს სოფლებში არსებული სასმელი წყლის სათავე-ნაგებობების, ქსელების შემოწმებას, სასმელი წყლის ნიმუშების ქიმიურ და ბაქტერიოლოგიურ გამოკვლევას. მიმდინარე წელს 260-მდე ქიმიური და ბაქტერიოლოგიური ანალიზი ჩატარდა და რაოდენ სამწუხაროც არ უნდა იყოს, უამრავ შემთხვევაში სასმელი წყლის ქიმიური და ბაქტერიოლოგიური მაჩვენებელი არ შეესაბამება სახელმწიფო სტანდარტს. ბაქტერიოლოგიურ გამოკვლევებში კოლინდქსის ნაცვლად სამისა, მერყეობს 3-დან 150 - მდე, ხოლო ქიმიური ელემენტების ნაცვლად 3-ისა, 7-მდეც აღწევს.

ეს ნაწილობრივ იმის შედეგია არის, რომ რაიონში არსებული სათავეების უმეტესობა ზედაპირული წყაროებით მარაგდება, ხშირი უამინდობა (წვიმები) კი დამატებითი ფაქტორი ხდება სასმელი წყლის დაზიანებისა. სათავეების დიდი ნაწილი მოქველდება და საჭიროებს სერიოზულ რეაბილიტაციას ქსელებთან ერთად. ამის მაგალითი იყო სოფელ ნინოწმინდაში მისში მომხდარი მცირე ნაწლავური ინფექციები, რაც გამოწვეული იყო სათავედან გამოშვებული თითქმის ორკილომეტრიანი წყალსადენის ქსელის მრავალ ადგილას დაზიანებით. თუმცა, ზემოაღნიშნული პრობლემა დროულად იქნა აღმოფხვრილი და ამჟამად მთლიანად იცვლება დაზიანებული მაგისტრალი, რის შემდეგაც მოსახლეობა უკეთესი ხარისხის წყალს მიიღებს. განსაკუთრებული აღნიშვნის ღირსია სოფ. პატარაქელის "ფილიანთ სათავეს" სანიტარიულ-ტექნიკური მდგომარეობა, რომელსაც არა აქვს სანიტარიული დაცვის ზონა და საქონელი ინტენსიურად აბინძურებს ზედაპირულად მომავალ სა-

სმელ წყალს, რამაც შეიძლება სერიოზულ შედეგებამდე მიგვიყვანოს. ზაფხულში ტემპერატურის მატებასთან ერთად განსაკუთრებით აქტიურდება წყლის მიკრო ფლორა, რაც თავის მხრივ შეიძლება გახდეს საშიში ნაწლავური ინფექციების და გავრცელების მიზეზი. რაიონის ბიუჯეტიდან გამოყოფილი თანხებით ჩვენს სამსახურს შექმნილი აქვს მეტად უწყვეტი სასმელი წყლის სადენინფექციო საშუალებები, როგორც თხევადი ქლორის, ასევე ქლორიანი კირის სახით, სოფლის რწმუნებულები რეგულარულად თანამშრომლობენ ზემოაღნიშნული სადენინფექციო საშუალებით რეზერვუარების და ქსელების რეცხვა-დეზინფექციას. ჩვენის მხრივ, ისევე და ისევე მივმართავთ მოსახლეობას- გაუფრთხილდნენ და არ დაანაგვიანონ სასმელი წყლის სათავე-ნაგებობები და მის ირგვლივ მდებარე ტერიტორია. გასსოვლად, რომ ხარისხიანი სასმელი წყალი ჩვენი ჯანმრთელობის საწინდარია. ხათუნა ჭანიასვილი, აიკ საგარეჯოს მუნიციპალიტეტის სასმელი წყლის რეგულირებისა და ლაბორატორიული კვლევის ცენტრის დირექტორი.

წყალი უნიკალური და უპირველესი სასიცოცხლო მნიშვნელობის უმნიშვნელოვანესი ბუნებრივი რესურსია. ადამიანის ჯანმრთელობისათვის უსაფრთხო გარემოს უზრუნველსაყოფად სახელმწიფო უზრუნველყოფს გარემოს შემადგენელი უზრუნველი კომპონენტის - წყლის დაცვას. ყველა ჩვენთაგანი ვალდებულია უზ-

საბარეჯოელები თურქეთში

„იმიდი“ – ბაიბურთის უძველესი და სანახარო სპეციალი

თურქეთში, მდინარე ჭოროხის სათავეებთან, ზღვის დონიდან 1500 მეტრზე, ალპურ ზონაში მდებარეობს ულამაზესი ქალაქი ბაიბურთი, სადაც ყოველი წლის ზაფხულში ტარდება დღე ქორეული სახელობის ფოლკლორული ფესტივალი, რომელიც იუნესკოს ეგიდით ტარდება. სხვადასხვა ქვეყნების ფოლკლორული კოლექტივები, ამ ქალაქის და მეზობელი პუნქტების მოსახლეობას აცნობენ თავიანთ ეროვნულ ფოლკლორს. ფესტივალის დებულებიდან გამომდინარე ამ დონისიძიებაში მონაწილეობას იღებენ მხოლოდ მოზარდები და ერთი და იმავე ქვეყნის ერთი და იგივე ანსამბლი არასოდეს მიუღიათ. ასეთი წესი იყო ამ ბოლო ხანებამდე, ვიდრე ამ ხუთიოდე წლის წინ იგი პატარა ქართველმა მოცეკვრეებმა არ დაარღვიეს და ეს პატარები საგარეჯოს მუნიციპალიტეტის ბავშვთა ქორეოგრაფიულ ანსამბლ „იმედი“ (მხატვრული ხელმძღვანელი თინა მეზერიშვილი, ქორეოგრაფები ფიქრია ჩეკურიშვილი და გია კუჭუაშვილი) მოცეკვრეები არიან. თუ როგორ მოხდა ეს, ამის შესახებ გვესაუბრება **თინათინ მიხეილაძე**.

– დღე ქორეული ფესტივალზე, რომელიც ყოველწლიურად ბაიბურთში იმართება, აქაურების გასაცნობად იწვევენ სხვადასხვა ქვეყნების ფოლკლორულ კოლექტივებს. ფესტივალის დებულებით მასზე მხოლოდ მოზარდთა კოლექტივები დაიშვებიან. მაგრამ, მოხდა ისე, რომ საქართველოდან მოზარდების გაშვების საქმე ჩავარდა და მათ ნაცვლად ჩვენი ბავშვები გაუშვეს. მას შემდეგ უკვე ზედიზედ მეხუთე წელია „იმედი“ მონაწილეობს

ამ ფესტივალში და ისე შეყვარეს და დაამახსოვრეს თავი ბაიბურთელებს, რომ თითქმის ზეპირად იციან ანსამბლის ყველა წევრის სახელი. წელს, როცა ზოგიერთი მათგანი ვერ წამოვიდა ბაიბურთში, ხელეობით და ქვეტიკულაციით გვეკითხებოდნენ, ასეთი და ასეთი ბავშვი სად არის, რატომ არ წამოვიყვანითო?

– **წლებადღე ფესტივალში თქვენი მონაწილეობის შესახებ რას გვეტყვი?**

– წელს ბაიბურთში უკვე მე-17 ჩატარდა ფესტივალი და მასში თურქეთის 4 ადგილობრივი კოლექტივთან ერთად მონაწილეობდნენ: რუმინეთის, პოლონეთის, სლოვაკეთის, მაკედონიის, კვიპროსის, აზერბაიჯანის, ბოსნიის და საქართველოდან ჩვენი ანსამბლი. თურქეთში 7 დღე დავყავით. კონცერტები გავმართეთ არა მარტო ბაიბურთში, არამედ მიმდებარე დასახლებულ პუნქტებში. ყველგან, სადაც კი ჩვენი პატარები გამოინდებოდნენ სცენაზე, ბოლო არ უჩანდა ოცადიებს, სიხარულისა და აღტაცების ცრემლებს. განსაკუთრებით მოხიბლეს „იმედის“ სოლისტებმა თავიანთი ერთგული თურქი მაყურებელი წლებადღე ფესტივალში. როგორც აღვნიშნე, ფესტივალზე ერთი და იგივე ანსამბლი არასოდეს მეორდება და როცა ამხელა პატივს გვცემენ და მეხუთედ გიწვევენ ფესტივალზე, ცდილობთ ყოველთვის ერთი და იგივე ნომრით არ წარვდგეთ მაყურებელთან. წელს „იმედი“ განახლებული პროგრამით წარსდგა თურქი მაყურებლის წინაშე. განსაკუთრებული მოწონება და შეფასება



2011წელი, ქ. ბაიბურთი

ხვდით წილად ცეკვა „ძველი თბილისის სურათებს“, რომლის სოლისტები იყვნენ თათია გულბანი და თათია ბუზიაშვილი – დიდი და პატარა თათია. ძირითადად მათი დამსახურებაა ის წარმატება, რასაც ჩვენმა პატარებმა ამ ფესტივალზე მიღწიეს და მიიღეს საგაიხლო მიწვევა. მათ იმდენად შეყვარეს და დაამახსოვრეს მაყურებელს თავი, რომ როცა ქუჩებში მივდიოდით ყველა ჩერდებოდა და დიმილით უთითებდა ჩვენზე. განსაკუთრებით პოპულარული პატარა თათია იყო, რომელიც იქაური მარკეტებიდან უსახუროდ არასოდეს გამობრუნებულა.

ბაიბურთელები ასევე მოხიბლეს „ელია გოგოს“ სიმღერის ფონზე შესრულებულმა ლაზურმა ცეკვამ, ცეცხლოვანმა მთიულურმა, რომელიც ძალიან მოეწონათ და ლამის დაწოლილებმა იტირეს.

საერთოდ, სხვა ქვეყნებისა არ იყოს, თურქებსაც ძალიან მოსწონთ ჩვენი ეროვნული ფოლკლორი.

– ბაიბურთელი მაყურებლის სიმპატიებისა და მალე ნახვის სურვილთან ერთად კიდევ რით დაგვიბრუნდნენ ჩვენი პატარები?

დასასრული მე-8 გვ

36525 დღიდან ერთი ღამაში დღეს

იუბილე



ქალაქის რწმუნებული გ. ქვლივიძე საჩუქარს გადასცემს იუბილარს

მოლოდინადქცეული თვლებიდან საუკუნოვანი მესხიერება იმხორება-100 ზაფხულსა და ამდენივე ზამთარს გაყოლილი სიხარული თუ გულში ბზარებად დამჩნეული სიმძიმე წაღმა-უკუღმა მბრუნავი ცხოვრების დოლაბისა... „სადა-აურსა სად წაიყვან“-ო, ვინ იცის როდის ამოთქვა ეს სიტყვები ქვეყნის უსამართლო ტრიალ-ბზრიალით გულშეღონებულმა ქართველმა. თუმცა, ქართველი ერთადერთია, (ყოველ შემთხვევაში გასული საუკუნის 90 წლებამდე ასე იყო), მნელად, ტკივილით რომ წყდება მშობლიურ ფესვებს-გამოუვალი მდგომარეობის გამო. ასეთი ტკივილით წამოვიდა ახალციხის რაიონის სოფელ ვალეიდან 27 წლის წინ ჩემი გამორჩეული რესპოდენტი და თქვენი დღევანდელი სტუმარი ჩვენი გახეთის ერთგული მკითხველ-ქალბატონი დარო ჯინჭველაძე-გიორგაძე, ერთადერთი ქალიშვილს-თამარიკო(მერი) გიორგაძეს, საგარეჯოელი სულიკაშვილების რძალს გამოჰყვა სიბერის წლების გასატარებლად... საოცარი ღექსიკური მარაგით, ძველ ქართულით, მესხურ კიდოზე ტკბილმოუბარი ქნი დარო 100 წლის შესრულდა 14 ივლისს. საგარეჯოს მუნიციპალიტეტის გამგებლის გია ჩალათაშვილის, ამავე მუნიციპალიტეტის საკრებულოს თავმჯდო-

მარის ილია ჭიაურელის სახელით ქალაქ საგარეჯოს რწმუნებულმა გია ქვლივიძემ თავის თანაშემწეებთან ერთად ქალბატონ დაროს იუბილე მიულოცა და 300 ლარი ფულადი დახმარება გადასცა. სტუმრების დანახვაზე აწრიალდა, თავისებურად აფორიაქდა მესხურად თავდაბურული მოხუცი. სწორედ ისე დალოცა მისი პატივისმცემელი რაიონის თავკაცები და იქ მყოფი ადამიანები, როგორც ქართველ ქალებს შეეძლოთ წინა საუკუნეებში-გულიანად და ტკბილად, როგორც მოხუცი ბებიები თავიანთ მონაგარს დალოცავენ, დედა ღვთისმშობელს შეავედრებენ მათ ჯანმრთელობას. გვერდით თავისი დიდი იმედი და პატრონი-შვილიშვილი გია უხის. ისე ევერება, როგორც პატარაობისას, იქ ვალეში სტუმრობისას, თუმცა, გია უკვე იმ ასაკშია, თავადაც რომ შვილიშვილები უსხედან მუხლებზე, ამირანისა და ნაცარქექიას საგმირო საქმეებს რომ უყვებიან და ქართველობის ფენომენის შესწავლა-გაცნობას პატარაობიდანვე აწვევენ გვირის გამგებლებს... ერთმანეთს აქებენ ბებია-შვილიშვილი. ორივე ორ საუკუნეს მოსწრებულნი, მათგან ერთი ერთი საუკუნის წელში გამტეხავი, მეორე ჯერ ნახევარი საუკუნისა ვერა-გამომშრალი, გამოფიტული თითებით ევერება ბებია შვილიშვილს, ლოცავს, შვილიშვილი კი

რადაცნაირი დამორცხვებით, თუმცა, არა, უფრო თავმოწონებით გვიჩვენებს დარო ბებოს ბოლო ნამუშევარს-ყურთბალიშს, ღამა-ღამაში გაზაფხულის ფერებით ნაქარგი პირით. და თანაც ამატებს: შარშან ორი საბანი შეკერა ბებომ, ეს ბალიშისპირიც მოამთავრაო. ჩვენს გაოცებას და აღფრთოვანებას სახლგარი არ აქვს ისეთი ნაზი, ღამაში ფერები შერჩეული „მუღინის“ ძაფებისა, იქნებ 17-18წლის გოგონას გემოვნებით შერჩეულიც გეგონოთ ეს ფერები...

– თავისი პირველი და უკანასკნელი სიყვარული-შოთა გიორგაძე, სოფელ ვალეს სოფსაბჭოს თავმჯდომარე მოხალისედ წასულა ომში და უგზო-უგელოდ დაკარგულა-გვეგონებოდა გია.

იქნებ იმ უცვლელი სიყვარულის გამო-დახილია ეს ფერთა შეხამებაც 20 წლის დაროს რომ დაუტოვა 3 წლის ქალიშვილთან ერთად სამამულო ომის გზებზე ჩაფრთხილმა შოთამ? ვინ იცის?! სამი წლის წინ კი მათი ის ერთადერთი ქალიშვილიც სულთა საუფლოს შეუერთდა... ვემშვიდობებთ იუბილარს, მისი დალოცვა მოგვეყვება, თავად ჭიშკრამდე

ვერ გვაცილებს, მხოლოდ მისი იმედი და პატრონი გია მოგვეყვება... მალე ვიას გოგონაც დაამთავრებს სამედიცინო უნივერსიტეტის კურსიდან კურსზე გადასასვლელ გამოცდებს და დაუბრუნდება ბებოს ხმის გამცემად და მამის შემშველებლად, მიუჯდება ბებოს გვერდით და იტყვიან ამ მთისას და იმ მთისას. მეორე შვილიშვილიც-ზაზაც შემოვიღის თავისი ცოლ-შვილით...

კახეთში მზე ჩვეულებრივად ამოვა, მზეს მთვარე შეენაცვლება, ზუსტად ისე, როგორც იქ ვალეში...

აქ სამასწლოვანი პეტრე-პავლეს სახელობის ეკლესია გადმოჰყურებს ათასწლოვან მესხეთში დაბადებულ-გაზრდილ ასწლოვან ქალს. მართლაც რომ „სადა-აურსა სად წაიყვან“-ო, ამ ეკლესიის კედლების ქვებეც მესხეთიდანაა ჩამოხიდული-ღვთის სახლის ასაგებად და საგარეჯოელების რწმენის განსამტკიცებლად...

პეტრე-პავლეს სახელობის ეკლესიის შენობა-ნაგებობა 2012 წელს 300 წლის შესრულდა, დარო ბებო 100-ის. შემთხვევითობაა, დამთხვევა თუ ბუნების კანონზომიერება?! ყველაფერი კი ღვთის ნებაა...

თინა ილაშრო



სტუმრად იუბილართან

მართლმადიდებლობა

როგორ უნდა გვესმოდეს სუფლო ღობე

„ამაო ჩვენი, რომელი ხარ ცათა შინა, წმიდა იყავნ სახელი შენი, მოგვიჩინე სუფოვა შენი, იყავნ ნება შენი, ვითარცა ცათა შინა, ებრძვა ქვეყანასა ზედა, კური ჩვენი არსობისა მოგვიჩინე ღმრთი და მოგიტყვევე ჩვენ თანადადგენი ჩვენნი, ვითარცა ჩვენ მიუტყვევეთ თანამდებთა მათ ჩვენთა და ნუ შემიტყვევე ჩვენ განსაცდელსა, არამედ მიხსენ ჩვენ ბოროტისაგან. რამეთუ შენი არს სუფოვა, კალი და დიდება, მამისა და ძისა და სულისა წმიდისა, აჟ და მარადის და უკუნითი უკუნისამდე, ამინ.“



ამ ღობეს საუფლო ეწოდება, რადგან ის თავად უფალმა ჩვენმა იესო ქრისტემ მისცა მოწაფეებს, როდესაც სთხოვეს, რომ მათთვის ღობე ესწავლებინათ. ამიტომ ის უმთავრეს ღობედ ითვლება. აქ ჩვენ მივმართავთ მამა ღმერთს-ყოვლად-

მოვიდგინოთ სულიერი ზეცა, რომელიც ღმერთმა სამყაროს დაბადებამდე შექმნა.
+ „წმიდა იყავნ სახელი შენი...“ - მოგვეხმარე, რომ წმიდა და სწორად ვიცხოვროთ და ჩვენი საქმეებით შენს ყოვლადწმიდა სახელს განვადიდებთ.
„მოგვიჩინე სუფოვა შენი...“ - ღირს გვეყო, რომ აქაც, მიწიერ ცხოვრებაში, დავმკვიდროს შენი მარადიული მეუფება, რომელიც არის სიმართლე, სიყვარული და მშვიდობა. გამეფდი ჩვენ შორის და წარმართე ჩვენი ცხოვრება.
+ „იყავნ ნება შენი, ვითარცა ცათა შინა, ებრძვა ქვეყანასა ზედა...“ - ანუ დავ, იყოს ყველაფერი არა ისე, როგორც ჩვენ გვინდა, არამედ იმგვარად, როგორც შენ გნებავს და მოგვეხმარე, დავუმორჩილოთ შენს ნებას და დედამიწაზე ისევე უსიტყვოდ და უდრტყინველად ადვასრულდებდეთ მას, როგორც ანგელოზები აღასრულებენ ზეციურ სავანეში-სიყვარულითა და მხიარულებით, რადგან მხოლოდ შენ იცი, რა არის საჭირო და სასარგებლო ჩვენთვის და შენ მხოლოდ

წმიდა სამების პირველ პირს. ღობე შეიღვხის ვედრებად განიყოფა და საღობელით მთავრდება.
+ „ამაო ჩვენი, რომელი ხარ ცათა შინა...“ - ამ სიტყვებით მივმართავთ უფალს. ზეციურ მამას ვუწოდებთ მას და ვთხოვთ, რომ ისმინოს ჩვენი თხოვნა და ვედრება. როდესაც ვამბობთ, რომ იგი ზეცაში იმყოფება, უნდა წარ-

გსურს ჩვენთვის სიკეთე, ვიდრე თავად ჩვენ -საკუთარი თავისთვის.
+ „კური ჩვენი არსობისა მოგვიჩინე ღმრთი...“ - მოგვეცი დღეს, ამჟამად ის პური, რომელიც ჩვენი არსებობისათვის საჭიროა. აქ პურში იგულისხმება ყველაფერი, რაც მიწიერი ცხოვრებისთვის საუცილებელია: საკვები, ტანსაცმელი, საცხოვრებელი, მაგრამ ყველაზე მნიშვნელოვანი-წმინდა ზიარება-ქრისტეს ყოვლადწმიდა სისხლისა და ხორცის სახით, რომლის გარეშე ცხოვრება შეუძლებელია. უფალი გვიქადაგებს, მოვიტხოვოთ არა სიმდიდრე და ფუფუნება, არამედ ყველაზე აუცილებელი რამ, ყველაფერში ღმერთს მივუხდეთ და გვახსოვდეს, რომ იგი, როგორც მამა, გამუდმებით ზრუნავს ჩვენზე.
+ „და მოგიტყვევე ჩვენ თანადადგენი ჩვენნი, ვითარცა ჩვენ მიუტყვევეთ თანამდებთა მათ ჩვენთა...“ - ისევე შეგვიჩინე ჩვენი ცოდვები, როგორც ჩვენ შეგუნდობთ მათ, ვინც გვაწყენინა და განგვარისხა. ამ თხოვნაში ცოდვები „თანადადგებად“, „ვალებად“ მოიხსენიება, რადგან უფალმა მოგვცა ნიჭი და შესაძლებლობა იმისათვის, რომ კეთილი საქმეები ვაკეთოთ, ჩვენ კი ყოველივე ამას ცოდვად და ბოროტებად ვაქცევთ და ღმერთის წინაშე „მევალებები“ ვხდებით. და თუ გულწრფელად არ მივუტყვევებთ ჩვენ „მევალებებს“, მაშინ არც უფალი გვაპატიებს ჩვენ.
+ „და ნუ შემიტყვევე ჩვენ განსაცდელსა...“ - განსაცდელი ისეთი მდგომარეობაა, როდესაც ვინმე ან რაიმე ცოდვისკენ გვიბიძგებს, გვაიძულებს, რაიმე ცუდი და უსჯულო საქმე მოვიმოქმედოთ. ამიტომ ვითხოვთ, ნუ მოგვივლენს ისეთ განსაცდელს, რომლის გადატანასაც ვერ შევძლებთ.
+ „არამედ მიხსენ ჩვენ ბოროტისაგან...“ - გვიხსენე ამქვეყნად არსებული ყოველგვარი ბოროტებისაგან და ბოროტების სათავეს- ეშმაკისაგან, რომელიც ყოველთვის ჩვენს დასაღუპადაა გამზადებული. ვევედრებით უფალს, რათა გვიხსნას ჩვენ ამ ციური ძალისა და მისი საცდურისაგან, რომელიც ღმერთის წინაშე არარაობაა.
სამაღლებელი: „რამეთუ შენი არს სუფოვა, კალი და დიდება, მამისა და ძისა და სულისა წმიდისა, აჟ და მარადის და უკუნითი უკუნისამდე, ამინ...“ - ანუ სწორედ შენ -ღმერთს ჩვენსას-მამას, ძეს და სულიწმიდას რომ გვეუთვნის მეფობა, ძალა და მარადიული დიდება, არის სიმართლე და ჭეშმარიტება. ამ ღობით ჩვენ ვადიდებთ და მადლობას ვწირავთ უფალს, წყალობას გამოვითხოვთ მისგან და ჩვენი ცოდვილი ცხოვრების გამო სინანულს გამოვხატავთ.



ბანსაცდელსა...“ - განსაცდელი ისეთი მდგომარეობაა, როდესაც ვინმე ან რაიმე ცოდვისკენ გვიბიძგებს, გვაიძულებს, რაიმე ცუდი და უსჯულო საქმე მოვიმოქმედოთ. ამიტომ ვითხოვთ, ნუ მოგვივლენს ისეთ განსაცდელს, რომლის გადატანასაც ვერ შევძლებთ.
+ „არამედ მიხსენ ჩვენ ბოროტისაგან...“ - გვიხსენე ამქვეყნად არსებული ყოველგვარი ბოროტებისაგან და ბოროტების სათავეს- ეშმაკისაგან, რომელიც ყოველთვის ჩვენს დასაღუპადაა გამზადებული. ვევედრებით უფალს, რათა გვიხსნას ჩვენ ამ ციური ძალისა და მისი საცდურისაგან, რომელიც ღმერთის წინაშე არარაობაა.
სამაღლებელი: „რამეთუ შენი არს სუფოვა, კალი და დიდება, მამისა და ძისა და სულისა წმიდისა, აჟ და მარადის და უკუნითი უკუნისამდე, ამინ...“ - ანუ სწორედ შენ -ღმერთს ჩვენსას-მამას, ძეს და სულიწმიდას რომ გვეუთვნის მეფობა, ძალა და მარადიული დიდება, არის სიმართლე და ჭეშმარიტება. ამ ღობით ჩვენ ვადიდებთ და მადლობას ვწირავთ უფალს, წყალობას გამოვითხოვთ მისგან და ჩვენი ცოდვილი ცხოვრების გამო სინანულს გამოვხატავთ.

სსოვნა


სსოვნა

დიდარი ღუკაშვილი



მონატრებაზე ძნელი არაფერი ყოფილა. 2 აგვისტოს ორი წელი სრულდება მას შემდეგ, რაც დაგეტოვე. ყოველი დღის გათენება შენი ოჯახისათვის, ძმისშვილებისათვის-ვისთვისაც სუნთქავდი, მეტად მტკივნეული აღმოჩნდა. ავად იყავი, მაინც ოპტიმიზმით იყავი გამსჭვალული, ბოლომდე სამსახურში დადიოდი, სიტბოს არ აკლებდი პატარებს, ძმისშვილებით ცოცხლობდი და სუნთქავდი...
დიდი ტკივილით წახვედი და დიდი ტკივილით დაგვიტოვე. გასახსენებელი უამრავი გვაქვს: შენი სიკეთე, შრომისმოყვარეობა, სულგრძელობა. ძალიან გვენატრები. ისლა დაგვრჩენია, მოვიდეთ შენს საფლავზე და ღმერთს ვთხოვოთ - ნათელში ამყოფოს შენი ნათელი სული.
გვიყვარხარ და გვაკლიხარ ყველას.
ძმისშვილები, ოჯახი.

სულხან მჭედლიშვილი



ისევ მოვიდა უშენოდ 25 ივლისი, აგვებითი დღე. ეს თვე და ეს რიცხვი საშინლად გვაძახს. მან ერთმანეთს საშუალოდ დაგვაშორა. უშენოდ გაილია ეს ორი წელიწადი-შენზე გლოვასა და მონატრებაში. მერედა რა ტკივილიანია ეს უშენობა ჩვენთვის ყველასგან გამორჩეული, უზომოდ მშრომელი და საყვარელი პაპა! ისევ ხომ არ გტკივა გული? ჩვენ უშენობით ძალიან გტკივა, რადგან ჩვენს გვერდით აღარ ხარ. მაგრამ, ვიცით, რომ კარგად იქნები, რადგან ჩვენი სურვილია ეს და ასე გვიჩინო.
პაპა, დალოცე შენი ღამაზი ოჯახი, შენი შვილები, შვილიშვილები და შვილთაშვილი-გელუკა. გვენატრები, ძალიან გვენატრება შენი კეთილი გული და გულიანი სიცილი. პაპა, შენზე ღობითა და დარდით გადის დღეები... დაგვრჩა მხოლოდ შენთან გატარებული ტკბილი მოგონებები და უამრავი სურათი. უფალს ვთხოვთ, ნათელში ამყოფოს შენი კეთილი და სპეტაკი სული.
შვილიშვილები თინიკო, სუსა, პაპ მჭედლიშვილები, დათო და ვალერი ნაპირელები.

დათო ბაღდალაშვილი

თბილისის ი. ჯავახიშვილის სახელმწიფო უნივერსიტეტის ვაჭრობის, ეკონომიკისა და საქონელმცოდნეობის ფაკულტეტზე წარმატებული სწავლის შემდეგ დაუბრუნდი მშობლიურ რაიონს. გინდოდა შენი ცოდნა და ენერჯია შენივე რაიონისა და ხალხისათვის მოგვეხმარებინა. ამიტომაც მივიღო რაიონის ხელმძღვანელობამ გულთბილად. აქი არც შენ გაუცრუე იმედები და სულ მალე გამოავლინე შენი ხალასი ნიჭი და სიკეთით სავსე გული. ბუნებისგან უხვად შემკობილს სახეზე გეწერა, რა იშვიათი ბუნების ადამიანი იყავი, შვილო. იშვიათი სულიერი სიღამაზე გამშვენებდა... შენი ღამაზი ბუნება ვერ იტანდა დახლები სიცარიელეს და გინდოდა შენი ხალხისათვის მადლიერი გაგვესო ფართო ასორტიმენტის საქონლით. შენ იყავი პირველი მერცხალი, პირველი ბიზნესმენი საქა-

რთველსი, მაგრამ არ დაგცალდა, შვილო, ბოროტებმა მოგიღეს ბოლო.
მოდის შენი დაბადების დღე, 30 ივლისი, განუზომლად დიდი ტკივილითა და სევდით. 20 წელია დედას ენატრები, დათო. მენატრება შენი ღამაზი ღმილი და პოეტური სიტყვები. ღამაზი იუმორით დამთავრებული. ვერავითარი დრო ვერ წაშლის ჩემს გულში ამ უსაშველო ტკივილს, მართლაც, ამ შეუხორცებელ იარას რა ეშველება?
ყველა ერმა ძმად მივიღო დათო, შენმა უზბეკმა კოლეგამ ღამაზი ქართველი გიწოდა შვილო, აქ კი, არამზადა ქართველებმა ბარბაროსული სიკვდილი გარგუნეს არაფრის გულისათვის, ან იქნებ შენი სიკვდილით დიდი სიმდიდრე იშოვეს?!



შენ ხომ იშვიათი, საოცარი და ღამაზი სიცოცხლე გქონდა, სიკვდილიც გასაოცარი იყო, შვილო, მარცხენა თვალიდან ცრემლი გდიოდა... არ ვიცი, შენ ღამაზ ახალგაზრდობას, გაუხარულ სიცოცხლეს დასტორიდი, შვილო, თუ უშენოდ დარჩენილი მშობლები გეცოდებოდა, შვილო?! სიყვარულისთვის იყავი მოსული ამქვეყნად, მთელი ქვეყანა გიყვარდა, 5 წელი იმუშავე და ისეთი სიყვარული, სიკეთე დათესე, გულით დაგტიროდა ყველა. უმოკლეს დროში ჩამოვალბიდა წამყვან სპეციალისტად. როგორ გიყვარდა შენი პროფესია, შენი სამსახური. კაბინეტში ჯდომას სხვადასხვა რესპუბლიკაში ამჯობინებდი სიარულს საქონლის შემოსატანად. ყველ-

გან როგორ გიმართლებდა, რა აღტაცებული და გახარებული ბრუნდებოდი. ძალიან მზრუნველი შვილი იყავი, ალბათ მეუღლე და მამაც ასეთი იქნებოდი, რომ დაგცლოდა, ასე როგორ გავიმეტეს, შვილო?! დაბადების დღე გასვენების დღედ გიქცევს... რა დაგუშავე მე, შენს მკვლევლებს, რომ ყველაზე საშინელი და მძიმე ხვედრი მარგუნეს, შვილის სიკვდილი!!! ეს ხომ წამებაა დედისა, ცოცხლად წამება! 20 წელია უცრემლო დამე აღარ არსებობს ჩემთვის...
მე შენთან ერთად დავამთავრე სიცოცხლე შვილო. შენი სამარე დედის გულია, წამი არ არსებობს შენზე ფიქრის გარეშე. დედა სულ გეფერება, გეწერხულება, გააღერებს, ვინც შენ ღამაზი სიცოცხლე ჩავიმწარა, მჯერა, შვილო, რომ ღმერთი გამოუტანს განაჩენს.
ღმერთმა ნათელში ამყოფოს შენი უმშენიერესი, სპეტაკი სული.
უბელორი დედაშენი.

გამოცხადება

გამოცხადება

ღირსეულად შემხვედრად საგარეჯოს ქალაქად გამოცხადების 50 წლისთავს აღიშენებლობითი ეტაპი დაიწყო

გულდასმით წავიკითხე გაზეთ „გარეჯის მაცნეში“ გამოქვეყნებული საგარეჯოს მუნიციპალიტეტის გეგმა, რომელიც უნდა განხორციელდეს საგარეჯოს ქალაქად გამოცხადების 50-ე წლისთავის ღირსეულად აღნიშვნის დღისათვის.

სასიამოვნოა და გულს ახარებს – სულ მოკლე დროში როგორ დაშვენიდა გარეჯისეთის ყოფილი უპირველესი სოფელი და შემდეგ მთავარი ცენტრი – საგარეჯო თავისი არსებობის უახლოეს წლებში. ამ წერილის ავტორს კარგად მახსოვს, თუ რას წარმოადგენდა საგარეჯო გასული საუკუნის 30-იან წლებში. მაშინდელი საგარეჯოს მთავარი ქუჩები – ახლანდელი დავით აღმაშენებლის, ერეკლე II-ის და რუსთაველის. ისინი წარმოადგენდნენ რიყედქვეულ, ღორღით მოფენილ საურმე გზებსა და ორღობეებს, რომლის ორივე მხრიდან ჩამწკრივებული იყო ერთსართულიანი, წითელი კრამიტით გადახურული უბანდრუკი სახლები, „სათავიდან“ მორაკრაკე ნაკადულებით, რომელიც ერთიან ედემის ბაღად აქცევდა მთელ სოფელს, მაგრამ სოფელი მაინც სოფელი იყო თავისი პატრიარქალურ-კარნაქტილი ცხოვრებით და წყალუხვი წყაროებით, რომლის მცხოვრებნი საეკლესიო დღესასწაულების დროს თუ ზეიმობდნენ და დროს ატარებდნენ „სატიკალების“ სამასწლოვანი კაკლების ჩრდილში, ან წყლის სათავის ტყე-პარკში.

ისიც კარგად მახსოვს, სოფელი საგარეჯო დაბად რომ გამოცხადდა. ბაზრის უბანში რაიკომის ეზოში რაიკომის ბიუროების ჩატარება, იმ დროს ბევრი ცხენოსანი იყრიდა თავს, ბიუროს სხდომები გათენებამდე გრძელდებოდა. ახლანდელი

ქალაქის მერიის შენობის მშენებლობაც კარგად მახსოვს, რომელიც აშენდა 1954 წელს საგარეჯოს ყველაზე მჭიდრო, ხებრელაშვილების უბანში. მაშინ ახლანდელი ქალაქის ცენტრალური მოედნის ტერიტორიაზე 50-ზე მეტი ოჯახი იყო დასახლებული და ისინი ქალაქის სხვადასხვა უბანს გადასახლდნენ.

ბევრი რამ მახსოვს. საგარეჯოს მატინეს ნაწარმოები და ეცდილობდი არაფერი გამოძრეხე. საგარეჯოს ისტორიისათვის მასალებს ვაგროვებდი, ვგონებ მნიშვნელოვანი არაფერი გამოძრეხე. ჩემს თვალწინ სოფელი ქალაქად როგორ გარდაიხსებოდა, ყველაფერი ჩემს მატინეში, დაწვრილებით აღვწერავდი, ყველა ქარხნის, კულტურული მემკვიდრეობის ყველა ნიჟარს თავის ადგილს მივუჩენდი ხოლმე.

ქალაქმა საგარეჯომ ფუძემდებლური სახეცვლილება განიცადა XX საუკუნის გრანდიოზული, ქვემო სამგორის სარწყავი სისტემის მშენებლობის პერიოდთან, რომლის მშენებლობაც საგარეჯოს ქალაქად გამოცხადების წლებს დაემთხვა და საგარეჯოს აღორძინება-განვითარების საქმეში დიდი როლიც შეასრულა. ამ გრანდიოზულმა მშენებლობამ მოიხიდა და ამ საუკუნოვან მშენებლობაში ჩაება, როგორც საგარეჯოს რაიონის სოფლების, ისე მეზობელი რაიონების ჭარბი მუშახელი და საგარეჯო გადაიქცა ერთ დიდ სამსენებლო მოედნად.

გასული საუკუნის 70-იანი წლები იყო საგარეჯოს ისტორიის არსებობის მანძილზე ნამდვილი ნიშან-სვეტი და ეს ამავლობის წლები უეცრად შეაჩერა იმ დიდმა სოციალ-ეკონომიურმა კრიზისმა, რომელმაც გამოუსწორებელი კვალი

დააჩნია არა მარტო ქალაქ საგარეჯოს, არამედ მთელ საქართველოს. თუ 1970-იან წლებში საგარეჯოს მოსახლეობამ თითქმის 12 ათასს მიაღწია, ამ დიდი კრიზისის მომდევნო წლებში ათეულობით სამრეწველო და სასოფლო-სამეურნეო საწარმოების დაიკვიდაცის შედეგად საგარეჯოს მოსახლეობის დიდმა ნაწილმა დაკარგა თითქმის 1/3 რაღაც მოსახლეობის ერთმა ნაწილმა საარსებო საშუალებების საძებნელად მსოფლიოს სხვადასხვა ქვეყნებს მიაშურა.

გავიდა დრო და მიუხედავად ზემოთქმულისა, მდგომარეობა თანდათან გამოსწორდა. ქ. საგარეჯო და მისი სოფლები ახლა კარგად გამოიყურებიან. ბევრი რამ გაკეთდა ქ. საგარეჯოს იერ-სახის გასაუმჯობესებლად. თვალსა და გულს ახარებს გალამაზებული ქუჩები, ახალი კეთილმოწყობილი შენობები, მარკეტები, ინფრასტრუქტურა.

გასული 20 წელი ქ. საგარეჯოს მოსახლეობისათვის გაუსაძლისი და ძნელად ასატანი იყო. დადგა დრო რათა დიამეტრალურად შეიცვალოს დრო ქვეყნის აღმშენებლობისათვის. კარგია, რომ საგარეჯოს მუნიციპალიტეტი, მისი გამგებელი და მთელი ხელმძღვანელობა ბევრს ზრუნავს რათა საგარეჯო ქალაქად გამოცხადებიდან 50-ე წლისთავს ღირსეულად შეხვდეს და ეს თარიღი ნიშანსვეტად იქცეს მისი აღმავლობისათვის, ისე, როგორც ეს მოხდა XIX საუკუნის 70-იანი წლებიდან, როცა სოფელ საგარეჯოს მხსნელად და შემწედ მოვედინა ილია ჭავჭავაძის მიერ გამოგზავნილი სახალხო მასწავლებელი ალექსანდრე ცხვედაძე. ამ მაღალმოსილმა კაცმა იმედის ნაპერწკალი აანთო და დიდ კოცონად აქცია მისი

მაღლი. ალექსანდრე ცხვედაძეს გვერდით დაუდგა საგარეჯოს მამასახლისი ზურაბ მაკანტაღაშვილი და მოკლე დროში აშენდა დაწვებითი სკოლის ლამაზი ერთსართულიანი შენობა ბელეგაძეზე, საფუძველი ჩაეყარა ბაზრის უბნის ახლანდელი ერეკლე II-ის ქუჩის განაშენიანებას.

სახალხო მასწავლებელ ალექსანდრე ცხვედაძის სახელთანაა დაკავშირებული მთელ გარეკახეთში დაწვებითი სკოლების გახსნა. 1875 წელს საგარეჯოში I თეატრის, I ბიბლიოთეკის, I კოლოპერტივის, I ბანკის, I ბაზრის, I სამკურნალოს აფთიაქის და სხვა დაწვებულილების, სოფლის ფორუმად ქცეული I დიდი სასწორის ყაფანის დამონტაჟება.

უფრო წინა საუკუნეებში საგარეჯოს მეორედ ამალორძინებლად და აღმდგენელად მოვედინა დიდი ქართველი პატრიოტი, დავით გარეჯის მონასტრების წინამძღვარი ონოფრე მაჭუტაძე (1690-1736წწ.), რომელმაც მკვდრეთით აღადგინა შაჰ-აბასის ყიზილბაშებისაგან მოსპობილი და გადამწვარი მთელი დავით გარეჯა და მთელი გარე კახეთი. მის სახელთანაა დაკავშირებული დავით გარეჯის სამხედრო-თავდაცვითი ნაგებობებისა და თვალ-საგარეჯოში პეტრე-პავლეს ეკლესიის აშენება.

დღეს საგარეჯოს საქალაქო აღმშენებლობით ცხოვრებაში დაიწყო ახალი ეტაპი, დიდი ფერისცვალების პროცესი. მიმანია, რომ ჩვენი სამზადისი საგარეჯოს ქალაქად კურთხევის 50-ე წლისთავის ღირსეულად აღნიშვნისათვის საკმარისი არ არის, გარდა გარეგნული იერ-სახის გალამაზებისა, კარგი იქნებოდა ერთი ქარხნის, ერთი საწარმოს აშენება. აუცილებლად უნდა აღდგეს კახეთის რკინიგზა და ქვემო სამგორის სარწყავი არხის სატუმბო სადგურები.

ალექსანდრე ელერდავილი,
84 წლის მწერალი და დამსახურებული საზოგადო მოღვაწე, ისტორიკოსი

ერთხე წელია, რაც საგარეჯოში ფუნქციონირებს შეზღუდული შესაძლებლობების მქონე პირთა სარეაბილიტაციო სახლი – „სათავე“. რომლის ძირითადი ფუნქციაა დაეხმაროს ცერებრალური დამბლით, აუტიზმით, გონებრივი ჩამორჩენილობით, ჰიპერაქტიულობისა და ყურადღების დეფიციტის სინდრომით დაავადებულ პირებს, ასევე ცენტრალური ნერვული სისტემიდან გამომდინარე ისეთი დაავადებებით, როგორცაა პარკინსონით, გაფანტული სკლეროზით, ინსულტით და სპინალური დაზიანებებით დაავადებულ ადამიანებს; მათი შესაძლებლობების რეალიზაციასა და საზოგადოებაში დამკვიდრების საქმეში. საამისოდ ამ სარეაბილიტაციო-გამაჯანსაღებელ დაწესებულებაში შექმნილია ყველა თანამედროვე პირობა, ჰყავთ კვალიფიციური სამედიცინო კადრები, რომელთა საქმიანობას სათავეში უდგას საქართველოს იპოთერაპიის ასოციაცია „სათავეს“ ვიცე-პრეზიდენტი, მედიცინის მეცნიერებათა დოქტორი მანანა რუსაძე.

იპოთერაპია (ცხენით მკურნალობა) – ასე პქვია მკურნალობის მეთოდი, რომლითაც აქ მოსულ პაციენტებს მკურნალობენ. ეს მეთოდი ფართოდ აპრობირებული, უნიკალური მეთოდია, რომელიც მსოფლიოს თითქმის ყველა წამყვან ქვეყნებშია დანერგილი. ამ მეთოდით მკურნალობისას პაციენტი ხდება უფრო მობილიზებული და საშუალებას იძლევა ავადმყოფი ინვალიდის ეტილიდან გადაჯდეს ცხენზე, ანუ ჩაკეტული სივრცლიდან გამოსვლეს ბუნებაში. გარდა აღნიშნულისა, აქ პაციენტებს ემსახურებიან არტოთერაპიის, ოკუპაციური თერაპიის, მანუალური თერაპიის, ფიზიკური თერაპიის, აპარატიული ფიზიოთერაპიის სპეციალისტები, მკურნალობენ სქოლიოზზე, ასოციაცია „სათავეს“ მსგავსი სარეაბილიტაციო დაწესებულება საქართველოში ფაქტობრივად არ არსებობს. იგი უნიკალურია იმითაც, რომ ეს არის ოჯახური ტიპის სარეაბილიტაციო ცენტრი, სადაც ცალკეული პაციენტების გარ-

სარეაბილიტაციო ცენტრი

...მათ შორის იპოთერაპია



და, ნებისმიერ ოჯახს შეუძლია გაიაროს სარეაბილიტაციო კურსი, იცხოვროს და დაისვენოს.

აღნიშნული ცენტრი, საგარეჯოს სათავეს სიახლოვეს, ტყეში, ბუნების წიაღშია აშენებული. თანამედროვე სატრენაჟორო შესაძლებლობების გარდა, ჰყავთ იპოთერაპიის (ცხენით მკურნალობის) აუცილებელი სუბიექტი – ერთი ცხენი და სათანადო სასიერნო მოედანი. ცენტრის ხელმძღვანელობა ცდილობს აღნიშნულზე არ შეჩერდეს და უფრო მეტი სიახლე დანერგოს თავის პრაქტიკაში. სწორედ ამის გამო-მახილია ივლისის პირველ ნახევარში ცენტრის ბაზაზე პოლონეთის იპოთერა-

პიის საზოგადოების ცენტრალური მმართველობის იაქმიცეს იპოთერაპიის ცენტრის მიერ ჩატარებული ერთკვირიანი სემინარები იპოთერაპიისათვის. აქ ამ განხრის სტუდენტებსა და თავისუფალ მსმენელებს იპოთერაპიაში პოლონეთში დაგროვილი და აპრობირებული გამოცდილებების შესახებ თეორიული და პრაქტიკული მეცადინებები ჩატარებს აღნიშნული ცენტრის წარმომადგენლებმა დარიუშ მატციმ, მაგდა მატციმ და მაგდა ნემეცმა. ასევე მსმენელებს დაუბრუნდათ პოლონეთის იპოთერაპიის კანონები. თანადროულად, სემინარებზე ჩამოსულ პოლონელ სტუმრებს გააცნეს ასოციაცია „სათავეში“ ამ კუთხით გაწეული მუშაობის შედეგები.

– ჩვენს ასოციაციაში ჩატარებული აღნიშნული სემინარები, თქვა ჩვენთან საუბარში „სათავეს“ წარმომადგენელმა ზაზა (ზოსიმე) გზირიშვილმა, მთლიანად ორგანიზებულია პოლონური ასოციაცია „არი-არის“ მიერ და ხელი უნდა შეუწყოს საქართველოში აღნიშნული მეთოდით

მკურნალობის შემდგომი გაუმჯობესების საქმეს. სემინარების დამთავრების შემდეგ, მსმენელები გაივიდნენ სერტიფიკატებს და გადაეცემთ შესაბამისი სერტიფიკატები. მთავარი ამ საქმეში კი ის არის, რომ ჩვენი მედიკოსები უფრო უკეთ დაუვლებიან ცხენით მკურნალობის ფორმებსა და მეთოდებს. რაც შეეხება „სათავეს“ მომავალ მიზნებს, აქ მიმდინარეობს მთელი რიგი სამუშაოებისა, მისი მუშაობის არეალის გასაფართოებლად პირველ რიგში აღსანიშნავია ის, რომ შენდება ახალი თავლა, რაც საშუალებას მოგვცემს ერთის ნაცვლად, მომავალში ვიყოლიოთ სამი სავარჯიშო ცხენი, რაც იპოთერაპიით მკურნალობის მსურველთა რიცხვის გაზრდის შანსს მოგვცემს. მომავლისათვის იგეგმება მუშაობაში დაენერგოთ კანესთერაპიით (მაღლით მკურნალობა) მკურნალობის მეთოდებიც. ერთი სიტყვით „სათავეს“ ხელმძღვანელობა ყველა დონეს ხმარობს, რათა კავაუმჯობესოთ ჩვენს ქვეყანაში და კერძოდ საგარეჯოშიც, შეზღუდული შესაძლებლობების მქონე პირთა სამკურნალო-სარეაბილიტაციო მომსახურების დონე, ამით კი უფრო მეტი შანსი მიეცეთ მათ საზოგადოებაში ადაპტირება-დამკვიდრების საქმეში, რისი მაგალითებიც ჩვენს ქვეყანაში არაერთი გვაქვს, ხოლო თუ როგორ გამოვივა ეს საქმე, ამას ახლო მომავალი დაგვანახებს.

დმერთი შეეწიოს „სათავეს“ და მის თანამშრომლებს ამ კეთილშობილური მიზნის განხორციელების საქმეში.

„კასლეთილა“ პოლონეთსაც ეწვია

კულტურული ცხოვრება

უდაბნოს სვან ქალთა ანსამბლი „კასლეთილა“ 2009 წელს შეიქმნა. მისი დამფუძნებელი და ხელმძღვანელია ფირია მარგიანი, ქალი, რომელსაც როგორც თვითონ ამბობს, არავითარი მუსიკალური განათლება არ მიუღია და არც სიმღერა არ უსწავლავია პროფესიონალს. უბრალოდ, მღეროდნენ მის ოჯახში მისი წინაპრები, ბებიები, დედა და მათგან გუნტიკურად გადმოეცა სიმღერის ნიჭი და მადლი. ასეთივენი არიან ანსამბლის სხვა წევრები. ისინი სხვადასხვა ასაკისანი არიან—ანსამბლის 10 წევრს შორის ხნოვანებიც არიან და ახალგაზრდებიც. მათი სიმღერის რეპერტუარიც ასეთივეა—მღერობს როგორც ძირძველ, ისე შედარებით მოგვიანო ხანის სვანურ ხალხურ სიმღერებს, მათ შორის ქალთა უძველეს საფერხულო სიმღერებს.



სიმღერები, თბილისის ეთნოგრაფიული მუზეუმის გარდა, მათ მირზაანშიც გააკლერეს. სწორედ „არტგენში“ მათი მონაწილეობა გახდა ანსამბლის პოლონეთში მოგზაურობის მიზეზიც. საქმე ის გახლავთ, რომ პოლონელები ქალთა ფოლკლორული ანსამბლების ფესტივალისათვის ეძებდნენ ქართველ შემსრულებლებს, მაგრამ ვერ მოახერხეს „კასლეთილას“ კონცერტის ნახვა. მიუხედავად ამისა, მათ გადმოცემის საფუძველზე ანსამბლი „კასლეთილა“ მაინც მიიწვიეს პოლონეთის ვროცლოვის ბრეის და სჩინ-

ნის კანის ფესტივალზე. პოლონეთში სულ 10 დღე დავეყავით, — გვიყვება ამ დღეებში უდაბნოში დაბრუნებული ანსამბლის ხელმძღვანელი, — მოგზაურობის და მთელი ხარჯებიც პოლონეთმა გაიღო. ბრეიზე კონტრაქტით ერთ საათიანი კონცერტი გვქონდა დაგეგმილი. ამ ერთ საათში ჩვენ 20 სვანურ სიმღერას ვასრულებდით და მიუხედავად იმისა, რომ ევროპელები დროზე გათვლილი ხალხია, იმდენად მოსწონდათ ჩვენი სიმღერები, რომ მათ ხშირად გვამეორებინებდნენ და ამის გამო

ერთი საათის ნაცვლად, რეგლამენტი 30 წუთით მაინც გვიგრძელდებოდა. ორი კონცერტის მერე, ჩვენს მოსახმენად ვროცლოვის დიდ დარბაზში იმდენი ხალხი გროვდებოდა, რომ ტევა არ იყო და მაყურებელი ფეხზეც კი იდგა. რაც შეეხება სჩინის, აქ კონცერტების გამართვა კათოლიკურ ეკლესიაში მოგვიწია. რაც შეეხება თვითონ ფესტივალს, მასში მონაწილეობდნენ ბრაზილიის, ტანზანიის, ინდოეთის, აბორიგენების, ინდოელების ფოლკლორული ანსამბლები, სადაც ამ დრომდე არის შემორჩენილი უძველესი ეროვნული სიმღერები. არ მინდა თავის ქებად ჩამომერთვას, მაგრამ ვიტყვი, რომ თუ ამ ანსამბლებს ყველგან თითო კონცერტის გამართვა მოუწია, „კასლეთილას“ ორ-ორი. იყო დიდი ოვაციები, მოწონება, ტაში და ყვაყვალები. სანამ პოლონეთში გავუმჯობავებოდი, მანამდე ჩვენ დაგვიკავშირდნენ ჩეხები და შესაძლებელია საშემოდგომოდ ჩეხეთში მიგვიწვიონ. ველით მიწვევებს იმავე პოლონელებისგან აგვისტოსა და სექტემბერში. არის კიდევ სხვა წინადადებები ენახოთ, როგორ განვითარდება მოვლენები. ვსარგებლობ შემთხვევით და მინდა მადლობა ვუთხრა ჩვენს თანასოფელს ოთარ ფარჯიანს, რომელიც უანგაროდ გვეხმარება მივიწვიებული ძველი სვანური ქალთა საფერხულო სიმღერების მოძიება—ადგენის საქმეში. დიდი მადლობა ჩვენი მუნიციპალიტეტისა და ქვეყნის ხელმძღვანელობას, ყველას, ყველას, ვისაც კი მცირეოდენი წვლილი მიუძღვის „კასლეთილას“ წინაშე, ვინც ჩვენი ანსამბლის საკეთილდღეოდ გაიხარჯა და დაგვეხმარა.

„იმედი“ — კახეთის უძველესი და ანსამბლი სვანური

დასასრული

— აღნიშნული ფესტივალი არ ატარებს რაიმე საკონკურსო ხასიათს, რომ გამარჯვებულები გამოვლინდნენ. მისი მიზანია თურქი მაყურებელი აზიაროს მსოფლიო ხალხების ნაციონალურ კულტურას. აქედან გამომდინარე რაიმე განსაკუთრებული ჯილდო ჩვენთვის არ მოუციათ. ყველაზე დიდი ჯილდო ჩვენთვის ის დიდი სიყვარული და პატივისცემაა, რითაც ისინი გვხვდებიან ხოლმე ბაიბურთში. უნდა აღინიშნოს ისიც, რომ მათმა მხარემ ნაწილობრივ დაგვიფინანსა ბაიბურთსა და უკან მოგზაურობის ხარჯები. ბინთა და საკვებით კი ძირითადად მათ მიერ ვიყავით უზრუნველყოფილი. არა მგონია სხვა ქვეყნის წარმომადგენლებს მჭირდეთ იმდენი პატივისცემა და დაფასება, რითაც ჩვენი ანსამბლი სარგებლობს მათში. ვბრუნდებით უკან საგარეჯოში და მოგვაცილებდა ბაიბურთელი მაყურებლის გაღიმებულ ცრემლმორეული სახეები: — გაისად როდის ეწვევიან და გაახარებენ გურჯი პატარები თა-



2012 წელი, ბაიბურთი

ვიანთი შემოქმედებით აქაურებს? — ღმერთმა ნუ მოუშალოთ ასეთი სადაგი და სასიხარულო დღეები ჩვენს პატარა „იმედლებს“ და მათ აღმზრდელებს.

კახეთის ფრანგულენოვანი სასკოლო თეატრების ფესტივალი საგარეჯოში

30 ივნისიდან 1 ივლისის ჩათვლით საგარეჯოში ჩატარდა კახეთის მხარის ფრანგულენოვანი სასკოლო თეატრების ფესტივალი, რომელშიც რეგიონის რვავე მუნიციპალიტეტის შესაბამისი სასკოლო თეატრები იღებდნენ მონაწილეობას. ფესტივალი ორგანიზებული იყო კახეთთან დამოზიდებული საფრანგეთის ოინის მხარის მიერ. ფესტივალში მონაწილე სასკოლო დასებს უნდა წარმოედგინათ 15 წუთიანი მონოსპექტაკლები, რომელთაგანაც გამარჯვებული კოლექტივის წევრები მოიპოვებდნენ უფლებას ემოგზაურათ საფრანგეთში, გაცნობოდნენ პარიზსა და ქვეყნის სხვა ღირსშესანიშნაობებს. ფესტივალში კახეთის სხვა ფრანგულენოვანი თეატრებთან ერთად კონკურსს მონაწილეობდნენ ამ ფესტივალის ორგანიზაციის ხელმძღვანელი გამარჯვებული პატარძელის სკოლიცეუმის თეატრალები. ფესტივალის გახსნის დღეს ფრანგული და ქართული დროშებით მორთული შეგება საგარეჯოს ცენტრი. საგარეჯოს კულტურის სახლიდან მოეწყო ფესტივალში მონაწილეთა საზეიმო მსვლელობა აღმაშენებლის ქუჩაზე, რომელიც ისევ კულტსახლთან დასრულდა. მსვლელობაში თეატრალურ კოლექტივებთან

მონაწილეობდნენ საგარეჯოს კულტურის სახლთან არსებული ბავშვთა ქორეოგრაფიული ანსამბლი „იმედის“ მოცეკვავეები და მარინა ურდულაშვილის ვოკალური სტუდიის მომღერლები, რომელთა ძალებითაც კულტურის სახლის წინა მოედანზე ჩატარდა კონცერტი. კონცერტის შემდეგ ფესტივალის მონაწილეებმა ქართული და ფრანგული დროშების თანხლებით საკონცერტო დარბაზში გადაინაცვლეს. ჩატარდა ფრანგული მუსიკის კონცერტი საგარეჯოელებისათვის ცნობილი: კვარტეტის მიერ. მუსიკალური კონცერტის შემდეგ ჩატარდა მონოსპექტაკლების დათვალიერება, სადაც გამარჯვება და საფრანგეთში მოგზაურობის უფლება სოფელ გურჯაანის ფრანგულენოვანი სასკოლო თეატრის წარმომადგენლებმა მოიპოვეს. ფესტივალის დახურვისას გაიმართა კონცერტი „იმედის“ მოცეკვავეებისა და მარინა ურდულაშვილის ვოკალური სტუდიის ბავშვების ძალებით. ფესტივალზე უმაღლეს დონეზე შეფასდა პატარძელის სკოლა-ლიცეუმის ბავშვების სასცენო ხელოვნება.

რედაქტორი:
თინათინ ილაური

გაზეთი აიწყო და დაკაბადონდა შ.პ.ს. „გარეჯის მაცნეში“ დაიბეჭდა თბილისში, გამომცემლობა „კოლორში“.

ტელეფონები: 24-32-07 599 502 842 577 951 488
ელ. ფოსტა: garejismacne1@hotmail.com

„გარეჯის მაცნეს“ გამომცემელი შპს „გარეჯის მაცნე“

რედაქციის მისამართი: ქ. საგარეჯო, დ. აღმაშენებლის ქ. № 15,

გვერდი მოამზადა
გიგი დაბაძიშვილი

საგარეჯოში ჩატარებული ფრანგულენოვანი სასკოლო თეატრების ფესტივალს ესწრებოდნენ: საქართველოში საფრანგეთის საელჩოს წარმომადგენლები და ატაშე კულტურის დარგში, ასევე კახეთის სამხარეო ადმინისტრაციის წარმომადგენლები. ფესტივალმა გულთბილ მაღალორგანიზებულ დონეზე ჩაიარა. ეს შეხვედრები კიდევ უფრო შეუწეობს ხელს კახელი და ფრანგი ხალხების შემდგომი დაახლოების საქმეს.